



INSTITUTO GALEGO DE PROMOCIÓN ECONÓMICA

FICHA DE AXUDA

ENTIDADE (Código da ficha)

IGAP196 - IGAPE- Instituto Galego de Promoción Económica

1. TÍTULO DO PROGRAMA/ AXUDA

IG101 - SERVIZOS AVANZADOS INTENSIVOS EN EMPREGO

2. FINALIDADE / OBXECTIVO

Servizos avanzados en Galicia cun investimento superior a 200.000€ e cunha creación de emprego ligado ao investimento igual ou superior a 10 novos postos de traballo de carácter indefinido.

3. TIPOS DE APOIO

Subvencións a fondo perdido en réxime de concorrencia non competitiva.

4. BENEFICIARIOS POTENCIAIS

1 - Sociedades mercantís existentes ou en constitución que cumpran os seguintes requisitos:

- a) Realizar unha iniciativa empresarial nun centro de traballo, obxecto do proxecto de investimento, localizado na Comunidade Autónoma de Galicia.
- b) Desenvolver no centro obxecto do proxecto algunha das actividades subvencionables que se sinalan nestas bases para cada tipo de proxecto subvencionable.
- c) Achegar para o proxecto de investimento unha contribución financeira exenta de calquera tipo de apoio público de polo menos un 25% do seu importe, sexa mediante recursos propios ou mediante financiamento externo. Para estes efectos, o Igape poderá esixir nas resolucións de concesión un determinado nivel de fondos propios que deberá acreditar o beneficiario.

2 - Non poderán ter a condición de beneficiarios as sociedades mercantís cuxa actividade estea comprendida nas excluídas polo artigo 1.2 do Decreto 432/2009.

3 - Non poderán ter a condición de beneficiarios as sociedades que estean suxeitas a unha orde de recuperación de axudas, consecuencia dunha decisión da Comisión Europea.

4 - Non poderán ter a condición de beneficiarias as empresas en crise.

5 - Non poderán ter a condición de beneficiarios as sociedades mercantís en que conorra algunha das circunstancias previstas no artigo 10.2º e 3º da Lei 9/2007, do 13 de xuño, de subvencións de Galicia.

5. SECTORES INCENTIVABLES

Os proxectos subvencionables deberán en todo caso estar vinculados a algunha destas actividades, independentemente de calquera outra que, ademais, desempeñe o solicitante:

- a) Servizos de implantación de sistemas tecnolóxicos: monitorización e control de procesos industriais, sistemas de seguimento remoto e telecomando de procesos, sistemas mecatrónicos.
- b) Enxeñaría de produtos e procesos industriais, enxeñaría de proxectos aeronáuticos ou espaciais.
- c) Centros de servizos telemáticos.
- d) Centros de desenvolvemento de software.
- e) Enxeñaría de ensaio e control de calidade en edificación, obra civil ou industria.

6. REQUISITOS PRINCIPAIS DO PROXECTO

Requisitos específicos dos proxectos:

- a) Os proxectos terán que contar cun investimento subvencionable en servizos avanzados, segundo o establecido nos seguintes puntos, que supere os 200.000 €, que sexa viable técnica, económica, financeira e ambientalmente.
- b) Para os proxectos de ampliación de instalacións existentes, cando a base sobre a que se calcula a subvención sexa o investimento subvencionable, este debera ser ademais, superior a 1,5 veces a dotación media para amortizacións do inmovilizado, circunscrita ao centro obxecto dos novos investimentos, nos 3 últimos exercicios pechados.
- c) Os proxectos terán que incluír o compromiso de crear como mínimo 10 novos postos de traballo con carácter indefinido asociado ao investimento subvencionable.
- d) Os proxectos terán que incluír o compromiso de manter o emprego medio existente nos últimos 12 meses antes da solicitude. Na resolución de concesión establecerase o prazo de mantemento do emprego que como mínimo será de 3 anos para as pemes e de 5 anos para grandes empresas.
- e) Os proxectos terán que incluír o compromiso de manter unha determinada composición do accionariado nos supostos en que esta represente un elemento substancial para garantir a viabilidade técnica, económica e financeira e, se é o caso, ambiental, do proxecto e así se establece na resolución de concesión.

Os proxectos subvencionables non poderán ter comezado antes da presentación da solicitude de axuda. Ningún dos custos alegados, sobre os que se solicita subvención, poderán ser incorridos con carácter previo á solicitude da axuda, de ser así, o proxecto no seu conxunto sería non subvencionable. Serán subvencionables os investimentos e gastos que cumpran os requisitos destas bases, realizados e pagados unha vez presentada a solicitude de axuda e dentro do prazo concedido para a execución dos proxectos.

No caso de investimentos en obra civil, soamente serán subvencionables aqueles realizados posteriormente ao levantamento dun acta notarial que reflecta fidedignamente e con posterioridade á presentación da solicitude, a non iniciación da obra.

Os proxectos presentados por empresas que non cumpran os requisitos de pequena e mediana empresa, terán ademais que acreditar ao Igape o efecto incentivador da subvención solicitada. Para tal efecto, deberán presentar un documento onde se reflecta que a concesión da axuda suporá ben un incremento substancial no tamaño, do seu ámbito de aplicación, do importe investido pola empresa beneficiaria ou do ritmo de execución do proxecto, ou ben que de non ser pola axuda o proxecto de investimento non se implantaría en Galicia.

7. CUALIFICACIÓN REQUERIDA DO PROXECTO

-

8. INVESTIMENTOS E/OU GASTOS COMPUTABLES

Custos salariais: serán subvencionables con carácter xeral, os salarios brutos do persoal que se contrate durante o período de execución do proxecto, co límite dun ano de salario por traballador. Non obstante, no caso que o investimento subvencionable acade un montante superior aos salarios brutos subvencionables, o Igape establecerá o investimento subvencionable como base de cálculo da subvención concedida. Nestes proxectos, o investimento subvencionable asociado (superior aos 200.000 €) debe ser executado e pagado no

período de execución do proxecto, estará suxeito a comprobación, e corresponderá aos epígrafes establecidos no apartado 6.3. destas bases.

Os postos de traballo creados terán que cumprir as seguintes condicións:

- a) Estar asociados directamente ao proxecto de investimento.
- b) Ser creados no prazo de execución do proxecto establecido na resolución de concesión, prazo que non superará os tres anos seguintes á finalización do investimento.
- c) Manterse durante un período mínimo de 5 anos para as grandes empresas e de 3 anos para as pemes, en ambos casos contado desde a finalización do prazo de execución do proxecto de investimento.
- d) O proxecto de investimento deberá conducir a un incremento neto do número de empregados no establecemento de que se trate, comparado coa media dos últimos doce meses.

9. CONTÍA DAS AXUDAS

A axuda resultante calcularase como unha porcentaxe sobre o salario bruto do persoal que se contrate ou ben sobre o investimento subvencionable, entre un 15% e un 30% da base subvencionable resultante. A porcentaxe da axuda resultará da aplicación da seguinte fórmula: $15 + (15 \times (\text{puntos obtidos}/30))$, en aplicación do seguinte baremo:

- 1.- O número de postos de traballo que se vaian crear con contratos indefinidos (de 0 a 20 puntos).
- 2.- A novidade do servizo en Galicia (0-3 puntos).
- 3.- A relación dos servizos a prestar con grupos empresariais importantes, sexa por vinculación empresarial ou por relación cliente (0-5 puntos).
- 4.- A utilización da lingua galega na actividade subvencionada (0-2 puntos).

10. PLAZO DE PRESENTACIÓN DE SOLICITUDES

O prazo de presentación de solicitudes comezará o día seguinte ao da publicación desta resolución no Diario Oficial de Galicia; no caso de coincidir en sábado ou día inhábil en Santiago de Compostela, o prazo comezará o día hábil seguinte; e rematará ao esgotamento do crédito orzamentario.

11. INCOMPATIBILIDADES

Estas axudas son incompatibles para un determinado proxecto con calquera outra subvención a fondo perdido do Igage.

Serán compatibles, non obstante, cos programas de axuda financeira do instituto como poden ser, entre outros, os préstamos ou a subsidiación do tipo de xuro, e tamén con calquera outro tipo de subvención ou axuda concedida por outros organismos públicos ou privados, sempre e cando non se atopen cofinanciadas con outro fondo da UE que non sexa Feder e respecten as intensidades de axuda máxima indicadas no anexo do Decreto 432/2009, do 11 de decembro; isto é:

a) Como regra xeral:

- Ata o 30% para grandes empresas.
- Ata o 40% para medianas empresas.
- Ata o 50% para pequenas empresas.

b) Ata o 30% para empresas do sector do transporte.

12. REFERENCIA LEGISLATIVA



INSTITUTO GALEGO DE PROMOCIÓN ECONÓMICA

FICHA DE AXUDA

Resolución do 22 de xullo de 2010 (DOG Nº155 do 13/08/2010) - Bases reguladoras das axudas a proxectos de investimento empresarial
Resolución do 22 de xullo de 2010 (DOG Nº166 do 30/08/2010) - Corrección de erros
Resolución do 22 de xullo de 2010 (DOG Nº197 do 13/10/2010) - Corrección de erros
Resolución do 22 de xullo de 2010 (DOG Nº199 do 15/10/2010) - Corrección de erros
Resolución do 6 de xuño de 2011 (DOG Nº114 do 15/06/2011) - Modificación das bases
Resolución do 22 de xullo de 2010 (DOG Nº247 do 28/12/2011) - Corrección de erros
Resolución do 13 de xaneiro de 2012 (DOG Nº18 do 26/01/2012) - Modificación das bases reguladoras

13. INFORMACIÓN E TRAMITACIÓN EN

Información: Instituto Galego de promoción Económica (Igape) - Teléfono: 902 300 903
www.igape.es ou informa@igape.es

Tramitación:

Dentro do prazo establecido na convocatoria, para presentar unha solicitude de axuda, os interesados deberán cubrir previamente un cuestionario descritivo das circunstancias do solicitante e do proxecto para o que solicita a subvención a través da aplicación de axuda establecida no enderezo da internet <http://www.tramita.igape.es>

Co fin de prestar asistencia para cubrir o cuestionario, o Igape pon a disposición dos interesados o seu servizo de asistencia técnica, nos números de teléfono 902 30 09 03 ou 981 54 11 47, ou os que en cada momento se establezan para esta finalidade. Deberán cubrirse necesariamente todos os campos do formulario establecidos como obrigatorios, tras o cal a aplicación emitirá un identificador de documento electrónico (IDE) que identificará unívocamente o cuestionario.

Poderáanse cubrir e obter os formularios a través da aplicación informática ata as 14.00 horas do día da data de finalización do prazo de presentación de solicitudes.

As solicitudes de axuda presentaranse mediante a instancia normalizada que se xunta como Anexo I, nas que será obrigatorio a inclusión dos 40 caracteres alfanuméricos do IDE obtido no paso anterior. As solicitudes que carezan do IDE ou nas que este sexa erróneo (sexo porque ten un formato erróneo ou porque non foi xerado pola aplicación de axuda) serán devoltas sen tramitación.

Xunto coa instancia de solicitude, presentarase a seguinte documentación, en orixinal ou copia cotexada:

I.- Para sociedades constituídas:

- a) CIF.
- b) Escritura de constitución e dos estatutos debidamente inscritos no rexistro competente e modificacións posteriores dos devanditos.
- c) Poder do representante que presenta a solicitude, inscrito, se é o caso, no rexistro competente.
- d) Certificado resumo do Imposto de sociedades emitido pola Axencia Tributaria referido aos 3 últimos exercicios fiscais.
- e) Último recibo pagado polo imposto de actividades económicas. No caso de empresas de nova creación, alta no IAE ou declaración responsable que inclúa o compromiso de darse de alta no IAE indicando a epígrafe correspondente, así como de remitir o documento de alta antes de enviar ao Igape a solicitude de cobramento ou ben acompañando a esta.

II.- No caso de sociedades en constitución:

- a) Certificado do Rexistro Xeral de Sociedades Mercantís da Dirección Xeral dos Rexistros e do Notariado do Ministerio de Xustiza, ou do rexistro competente, de non figurar inscrita a futura denominación social da entidade que se vai constituír.
- b) Proxecto de estatutos da sociedade.
- c) Alta no IAE ou declaración responsable que inclúa o compromiso de darse de alta no IAE indicando a epígrafe correspondente, así como de remitir o documento de alta antes de enviar ao Igape a solicitude de cobramento ou ben acompañando a esta.

III.- Acreditación de emprego:

- a) Os TC1 e TC2 dos doce meses anteriores á data de presentación da solicitude de axuda de todos os centros de traballo da empresa en Galicia.
- b) Certificado da Tesourería Xeral da Seguridade Social de afiliados adscritos ás contas de cotización da empresa por tipos de contrato, e de todos os centros de traballo da empresa, á data de solicitude da axuda.

IV.- Memoria descritiva do investimento proxectado segundo o modelo normalizado establecido polo Igape.

V.- Declaración do efecto incentivador da axuda solicitada, de acordo co establecido no artigo 1.5 destas bases, segundo o modelo normalizado establecido polo Igape.

VI.- Planos.

VII.- Declaración de cumprimento de requisitos segundo o establecido no anexo VI.

VIII.- Declaración da condición de peme, segundo o modelo do anexo VII.

IX.- Calquera outra documentación ou información adicional que considere conveniente para unha correcta análise da solicitude.

O interesado presentará a instancia de solicitude co IDE e a documentación anexa no rexistro xeral dos servizos centrais do Igape, nas súas oficinas territoriais ou a través dalgunha das formas recollidas no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

14. OBSERVACIÓNS

APOIOS ESPECÍFICOS:

Para os proxectos que se van a implantar nos seguintes municipios:

- Municipios das comarcas de Ferrol, Eume e Ortegal
- Municipios da Costa da Morte: A Laracha, Cabana de Bergantiños, Camariñas, Carballo, Carnota, Cee, Corcubión, Coristanco, Dumbria, Fisterra, Laxe, Malpica, Mazaricos, Muros, Muxía, Ponteceso, Santa Comba, Vimianzo, Zas.
- Municipios da provincia de Lugo.
- Municipios da provincia de Ourense.

Adoptaranse as seguintes medidas de prioridade específica:

1. Nos criterios de avaliación e selección de proxectos, o criterio de localización avaliarase co valor máximo para os proxectos que se van desenvolver nestes municipios.

2. Ademais dos sectores prioritarios xerais, establecidos no anexo IV das bases reguladoras, nos municipios das comarcas de Ferrol, Eume e Ortegal consideraranse e ponderaranse como prioritarios os proxectos que se vaian desenvolver nas actividades seguintes: industria eólica, turismo, loxística, diversificación naval e industria auxiliar do naval e biomasa.